

**Landesbibliothek Oldenburg**

**Digitalisierung von Drucken**

**Sebastiani Castellionis Sacrorvm Dialogorum Libri  
Qvatvor, Qvos Postremo Ipse Recognovit: Argvmenta  
Singvlis Dialogis Praeposvit, Et Sententias Svbiecit ...**

**Châteillon, Sébastien**

**Francofurti, 1761**

**VD18 12886300**

Berzelaevs.

**urn:nbn:de:gbv:45:1-18303**

ciam, ut ante noctem omnes ad unum a te deficiant: quo gravius malum, nullum unquam in vita tibi evenit.

## SENTENTIA.

*Honora parentes tuos, si vis vivere diu. Is indignus est vita, qui in autorem vitæ suæ ingratus est. Dignus est infami morte, qui bonum malo pensat. Ardentem amorem ne summa quidem injuria extinguit.*

BERZELAEVS. 2 Reg. 19.

## ARGVMENTVM.

Berzelæum pro ejus in se meritis vult David in aulam ducere. Sed illo propter senectam recusante, abducit ejus loco Chamaamum.

*Berzelæus, David.*

**S**alve, nobis tandem reddite Israelitarum Rex, D. O salve multum Berzelæe, homo de me multum bene merite. Trajicies tu mecum Jordanem: ego te apud me alam Hierosolymis.

B. At quot annos natus, ut cum Rege Hierosolymam ascendam? Ago nunc octogesium annum: a) poterone bonum a malo discernere? poterone cibo & potione delectari? aut fidicinum, fidicinarumve cantus audire? Liceat mihi tecum paululum trans Jordanem progresso (cur enim tanto me cumules beneficio?) liceat, in-

H 4

quam

a) Senectus & judicio deficitur, & voluptatum minas capax est.

quam, reverti, & in mea patria finire vitam, in  
que meorum parentum sepulchro humari. Cæ-  
terum hic Chamaamus tecum perget: hoc tu  
uteris, ut tibi visum erit. *D.* Ergo trajiciat Cha-  
maamus, <sup>b)</sup> ego eum omnibus beneficiis ornabo,  
quibus ornandum esse judicaveris, tibi que omnia  
præstabo, quæ a me expetiveris.

## SENTENTIA.

*In homines pios & gratos bene conferuntur be-  
neficia.*

## BATHSEBA. I Reg. I.

## ARGVMENTVM.

Bathseba, de Nathanis consilio a vetulo  
Davide impetrat, ut Rex creetur Salomo.

*Nathan, Bathseba, David, Banajas.*

**A**n non audivisti, Bathseba, Adoniam Hagithæ  
filium, Regem creatum esse, in scio domino  
nostro Davide? Age, dabo tibi consilium, quo  
tux, tibi que filii Salomonis vitæ consulas. Con-  
veni Regem Davidem, ex eo quære, qui fiat, ut  
cum Salomoni filio tuo Regnum post se, solium-  
que suum sit pollicitus, nunc regnet Adonias?  
Ego, te adhuc cum eo colloquente, ingrediar post  
te, & tuam orationem complebo. *B.* Bene con-  
sulis, adeo eum. Salve Rex. *D.* Quid vis? *B.*  
Domine, tu mihi per Jovam Deum tuum jurasti,  
Salomonem filium meum post te Regem fore,  
& in solio tuo sessurum. Atqui Adonias, te ne-  
sciente,

<sup>b)</sup> Etiam amicis bene de nobis meritorum gratiam re-  
ferre officii est.